

# SON AIR BREZIEIL

## I

Breudeur, me ho salud gant ma brasa respect,  
Pa ret d'in an enor da zont holl d'am c'hlevet;  
An amzer a zo trist, ma c'halon zo ive,  
Hon foaniou zo kalet, plijet klevout ane.

## II

An histor zo trajic, vit hen larout ervat,  
Ma spered zo dinerz, met ho kalon zo mat;  
Rakse ma digouez d'in mankout ekreis c'hoari,  
Me 'zo zur diouzoc'h holl da zont d'am pardoni.

## III

Gant arrach hag anken n'imp a oa pennfollet  
D'an eur m'oa ar brezel eur wech c'hoas diskleriet,  
Kleier, leun a c'hlae'har, a oa kroget da son  
An ton ken alaminus a mobilisation.

## IV

Trist ha kalet a oa lavarout kenavo,  
Met tristoc'h 'oa kalz c'hoas mont dirag ar maro.  
Kuitaat ar gaer a bouez war ar galon nerzus,  
Mes kuitaat ar vuhez zo dei eun dra euzus.

## V

Lavarout ho peuz de : « Kenavo, chans, yec'het,  
Ha gwella grass Doue woar o kiz da zonet. »  
Ho c'halon d'oa fizianz o klevout ho menat,  
An tennou hag an tan dioutan reje goap.

## VI

Kreiz ar walen a vez eul loden espernet,  
En ho mesk e kaver tud planetenn gallet,  
Trist eo koll ar vuhez pa ya ar goad da goll,  
Rak ar gwad zo skuillet a zo dismantret holl,

## VII

Ar Frans 'neuz imbannet pegen izell e oa  
An enor memp kollet 'noket savet 'neur bloaz,  
Mes, mar fell d'imp breman sonjal en hon foaniou,  
Ni, zur-mat, hatkavo hon flass mesk ar broiou.

## VIII

Doue, tad eternal, mestr an env, an douar,  
Sellet ouz ar galon a zo enni glae'har,  
Plijet d'ac'h, me ho ped, dre o kwir providans  
Rei d'ar brisonerien nerz, kalon, ha fizianz.

## IX

Sonjet ta, mignoned, kavant hir an amzer  
E sonj an tiegez a zo manet e ger.  
Gwellout 'rant bugale, n'int ket siouaz o re  
Kri kaer eo ar galon na gemer ket truez!

## X

Al lapouz a return pa deu nevez amzer,  
Honvez zo diaskell mab Adam, ar pec'her,  
Pa deu ar bleun er c'hoat hag an heol lugernus,  
Buhez ar prisonier zo bopred hirvoudus,

## XI

Na n'eus nemet eun dra 'chellfe o c'honsoli,  
Kelou mat ous ar ger ha gantan eur c'holl,  
Bezomp holl karantez ha mat en o c'henver,  
Ha pedomp evite ma returnfont d'ar ger.

## XII

Respect am eus d'ac'h holl, met priset am c'hlevet,  
Pez 'zo deuet em spered me vo ret d'in laret  
Me ho suppli, merc'het, na vet ket re estranj;  
Bezet sonj ous ar re 'neus bet ho allians.

## XIII

Pelloc'h e yelo c'hoas ma resolution,  
Daoust ha na blijo ket d'an dad holl ma raison,  
Eur galon divroet, goude-se ankouaet,  
A zo prest da vervel, Malloz d'it gwall bried.

## XIV

Pa 'man er bed kouezet 'neur seurt tristidigez,  
N'eman ket d'ac'h ar c'hous d'ober ho itronez,  
Breman he kemeret ho holl bras plijadur  
Aüs d'ho penn, ar maro a yud trist ha hudur.

## XV

Argalon 'zo hep boued pe beus c'houi en abondans.  
A lavar 'och hu c'houi gwall indign ous ar Vrans,  
Mar 'peuz klasket sevel ho yalc'h diwar ar paour.  
Kont ho po da renti : ar paper n'eo ket aour.

## XVI

Me a get kompagnonez eve troublet ma memoar,  
An defot da gemense a finissan an histoar,  
Me o ped o vadelez da zont da m'ho exkusi  
Mar 'na meusket gallet plijout da peb hini.

## XVII

Bevomp holl, ma zud vat, gant eur galon leall,  
Ha Doue 'savo c'hoaz ar vro hanvet Bro C'hall,  
Pa vo fin d'ar walenn, ma c'halon vo laouen,  
Ha joasted a vo eun c'hentan kanaouen.

Yves LE GOFF,

à Kergoguen, Plougouven (C.-du-N.)

(Tous droits réservés)